
Telegram cunsumadëures juni-lugio 2011

Priejes dl penzin tl Sudtirol

Pra la ZCS vëniel ite for plu lamentanzes pervia di priejes auc dl penzin. N aspieta bele giut che l vënie fat vel' sforz per valivé ora la defrënzies danter i priejes dl penzin tl'Europa, miurà la nfirmazions sun i priejes dl penzin y raziunalisà la chëutes y la rë dla stazions dal penzin. Semea che l ie ëura de tò pruedimënc almanco a livel local.

Tl cheder dl urdenamënt provinziel dl cumerz pudëssen fé valëi la ublianza per stazions dal penzin de comuniché si priejes dl penzin a na banca dac zentrela (che pudëssa avëi si sënta pra l'ASTAT). A chësta moda pudëssen ti pité ai/ala cunsumadëures de Südtirol la puscibltà de cunfrunté i priejes dl penzin atuei tl internet o tres n'aplicazion sun l fonin. N'otra puscibltà pudëssa vester nce chëla de furné a na moda da sparanië penzin - cursc debant n chësc cont pudëssa unì pitei tl zënter per la segurëza dl furné „safety park“ che n pudëssa finanzië cun i majeri davanies da pert dl Assessorat per la Finanzas tres la chëutes sun l penzin. Chësta prupostes ti à la ZCS purtà dant te na lëtra davierta al assessëur Widman, te chëla che l ie nce unit damandà de njinië ite na mëisa turonda sun chësta tematica.

Cancelazion debant dla ipoteches

Da jené dl 2011 valova: chi che ova finà de paië jù n mprëst ipotecher y che ulova cancelé la ipoteca relativa messova auzé ora l tacuin y paië danter 700 y 800 euro per l'autenticazion dl notar.

Śën iel de bona nutizies per i/la cunsumadëures: l paragraf 6 dl articul 40-bis dla lege sun la unitarietà dla banches vëij danora che la pruzedura scemplificheda vënie aplicheda pra mprësc y finanziamënc, nce nia fundieres, cunzedui da banches y ntermedieres finances o nce da istituc de previdënza ai dependënc o scric ite, y che duta chësta ipoteches posse unì canceledes debant.

Lectrisc: la defendura di cunsumadëures-familia ie tl pericul

Per l „marcià de majera defendura“ iel tla Talia l'Autorità per l'energia y l gas AEEG che determina la

cundizions cumerzieles minimas y l priesc garantì ai cunsumadëures-familia y ala pitla mprejes che ne à nia cris ora l marcià liede. Pra i tlienc dl marcià liede vëniel alincontra aplicà i priejes y la cundizions cumerzieles stabilides dai venditëures. Chisc cunsumadëures à coche sëula defendura la puscibltà de se retré tl „marcià defendù“, chësc uel dì tla cundizions economiches determinedes dal'AEEG. Te n decret legislatif iel sën udù danora che chëi/chëla cunsumadëures che à stlut jù n cuntrat sun l marcià liede ne possa nia plu jì de reviers al marcià defendù. Chësc reprejentea per i/la cunsumadëures-familia inò n iede l'abulizion de n mecanism de defendura. Ma chisc mecanisms de defendura ie de mpurtanza davia che na gran pert dla ufiertes dl marcià liede ie n media sëura la tarifes determinedes dal' AEAG. La ZCS se damanda dal guviern che i mecanisms tl setor dla lectric vënie manteni.

La prevenzion fej arbassé la spëises per l dutor di dënz

l cosc dl dutor di dënz possa scauscé dassënn la cassa de familia. Perchël à la ZCS nce metù n movimënt l „compas dla tarifes“ - l servisc crià dala ZC njinià ite per l setor di dutores di dënz. La gran spëises, dantaldut chëles liedes ala proteses de dënz che ie suvënz scialdi cëres, possa unì schivedes dantaldut tres na prevenzion mireada. Chësta se stiza sun trëi seves. La prima: tò demez regulermënter la placa, ajache zënza placa ne se formel deguna caries y perchël schiven nce la paradontita. La segunda seva ie la manutenzion: i fluorid ndurësc y „concia“ la sëuraspersa demineraliseda di dënz. La terza seva ie sambën n'alimentazion sana che respetea nosc dënz.

Da cunsiè per i mutons ie la sigilazion dla sfësses di dënz. La spersa sëuravia di massleres à sfësses o de pitli fussiei tlamei „fessures“. Pervia che l ie rie les neté cun l bëusc dai dënz se formel iló suvënz caries. Tres la sigilazion possen fé che chësc ne suzede nia. Chësc pruvedimënt ie dantaldut de utl pra dënz che resta. La miëura ufierta per chësc ntervënt ie aldò dla nrescida dla ZC ntëur ai 20 euro per dënt.

Assegurazion per l auto: dërt a n arat

For inò suzedel che i ufizies de cërta agenzies d'assegurazion ne uel nia ti fé avëi al cunsumadëura/ala cunsumadëura si arac n cont dla respunsabltà zevila per l auto scebën che la persones danejedes nen ebe la rejon (Regulamënt dl Ministere dl Svilup Economich y dl Ministere dla Giustizia n. 287 dl 9 de dezëMBER 2008).

L decret ministeriel n. 191 di 29 d'utober 2008 vëj danora che l'assegurazion, l'assegurà sciche nce l danejà posse tò vijion y giapé tla mans la copia dl arat – bel unfat sce l se trata de n arat medich o tecnich. La ZC ie dla minonga che uniun y uniuna dassëssa pudëi se nuzé de chësc dërt, ajache l porta pro a plu trasparënza tl dejeujamënt di caji de dann.

Cuatier sotët coche scincunda

Sce l fova te na frabica n sotët nia abità valova nchin sën la regula che la cubatura da dant univa trata ju

dal bonus de cubatura - chësc cun la motivazion: l sotët reprejentea nchin che l vën amplià na cubatura nia abitabla y nia da nuzé.

La ZCS lecorda che tl cheder dl ressanamënt energetich possa l sotët sën unì slargià nchin a 200 m³. La cubatura che fova bele dant vën detlareda abitabla sce l vën arjont l'autèzes minimas che ie de bujën. La cubatura che ie bele possa cundechël unì slargedà ora de 200 m³.

Publicazion eurostat di priejes dla lectrisc

N sà pu plu che bën assé che i priejes dla lectrisc tla Talia ie danter i plu cères te duta l'Europa, nce chèi per i tlienc y la tlientes privates (cialède danter l auter i dac dla OSZE). Dala analisa dl cunfront EUROSTAT di priejes dla lectrisc tla UE tl tēmp 1999-2010 (<http://epp.eurostat.ec.europa.eu>) iel da udèi che per i trèi ani dal 2008 al 2010 mancel per la Talia duc i dac ntan che la nformazions per l ultim ann de referēza de duc i altri stac ie bele unic dac ju per ntier. Sce n tēn cont dla mpurtanza de chësc cunfront tres chël che l ie puscibl cunfronté i cosc dla lectrisc per la families ti stac defrēnc ne ie chēsta mancianza nia da capì! Te na lētra davierta al Minister per l svilup economich Romani se à la ZCS perchël damandà che chisc dac vēnie publichei debota.

Bateries EHEC: la igena ie la cossa plu mpurtanta

I tuadēures ti Paejes Tudēsc ne à for mo nia na resposta definitiva ala dumanda de cie che pudēssa avèi gauj à la nfezions-EHEC (escherichia coli enteroemoragica). La ZCS lecorda de respeté la regules igeniches plu mpurtantes per schivé de se taché la malatia:

- lavé la mans regulermentēr – no mé do che n ie jic sun chegadoi. Dan che n scumēncia a maiē o a cujiné y a manejé cun maiadives iel bon se lavé la mans sciche toca cun ega ciada y jiefa, ma nce sce n passa da na maiadiva al'otra.
- for manejé la cērn cruva a pert de d'otra spēisa. For lavé bēn verdura y versura.
- nce tres curtiei y brēies da taiē su possel se sparpaniē ora bateres, perchël iel for bon i lavé dan i adurvé per d'otra maiadives.
- mudé suvēnz i berdons da lavé ju y da neté y i lavé almanco a 60 gradi.

A vosta dumandes n cont dla igena di alimenteres possa Ve dé resposta la cunsulēnza dl'alimentazion dla ZCS.

21 de juni: codesc dl turism nuef

L codesc dl turism nuef (decret n. 79 di 23 de mei 2011) ie jit n forza ai 21 de juni; chësc dēssa defēnder miec chi che ie de viac. La lege muda na lingia de regulamēnc n cont dl time sharing (cuntrac de nuzeda a tēmp parziel). L se muda nce n valgun ponc n cont di pachec de viac sciche per ejēmpl che

pra la prenotaziuns online iel debujèn de ndiché esplizitamënter la estlujion dl dërt de retrata. L vën oradechël nce udù danora esplizitamënter l dann gaujà dala ferias spurzenedes (chësc univa n iede mé udù danora dala giurisdizion). Deplù n cont dl'otra nuviteies che se porta pro pervia dl codesc nuef iel da liejer sun la plata www.euroconsumatori.org.

Nibles de cënder: vosc dërc canche julëis

Cancelaziuns de joi per gauja de nibles de cënder vën fates „n basa a cundiziuns straudeneres“. Per de tei caji vëij la normativa UE 261/2004 danora la puscibltà de crì ora danter la trascrizion dl jol apustà a n'auter jol y la renunzia al jol cun l rembursamënt dl ticket (y sce debujèn l jol de reviers al aeroport da ulache n ie piei demez).

Sce l cunsumadëur/la cunsumadëura chir ora la trascrizion dl jol, ie la cumpanies de jol ubliedes a se cruzië dl'assistënza di passajires n raport ala dureda dl tëmپ de aspiteda. Chësc ne vel nia sce l cunsumadëur/la cunsumadëura ne azetea nia la trascrizion dl ticket de jol y l/la dezid de arjonjer si travert cun d'autri mesuns de trasport.